

contemnuntur: Quod Catonis dicto cōuenit superius relato, de furibus publicis ac priuatis. Dies autem deficiet, si pergitus Philosophorum vniuersa complecti. Iam igitur & Poëtis Graiis aditum pandamus.

HOMERVS.

Homerus Vlyssem suum, sub cuius nomine virum sapientem ac fortē vult intelligi, Terra mariquē iactatum fecit, & carminibus suis toto penē orbe circumtulit: Quod imitatus vates noster, Aeneam quoque suum, per diuersa terrarum circunducit: uterque consulto, vix enim fieri potest, vt aut sapientia contingat inexperto, aut experientia ei, qui multa non viderit: Vidisse autem multa hærenti in uno terrarum angulo, vix potest euenire.

SIMONIDES.

Simonides Poëta, suavis & vir doctus ac sapiens (vt ait Cicero) ab Hierone Siculo rogatus edicere, quidnam aut qualis esset Deus? ad deliberandum vnius diei spatiū poposcit: Id cum fluxisset, reuocatus, & quod pridie quæsitus erat, iussus absoluere: biduum postulauit. Eo rursus elapso, petiit quatriduum,

86